

U sklopu priredbe je predstavljena knjiga „Travnik 360°”, autora prof. Dita Vrbanjac i prof. Ibrahima Indžića. Autori su prisutnima prenijeli kako je nastala ideja za knjigu i naglasili značaj saradnje između Mješovite srednje ekonomsko - ugostiteljske škole Travnik i Turističke zajednice Travnika, koja traje već tri godine.

Nakon toga, psiholog škole, Erika Hadžimahmutović, predstavila je svoj kreativni projekat Edukativni kabinet, koji ima za cilj kreirati edukativne igračke za djecu predškolskog i školskog uzrasta. Posebno ističe drvene edukativne kockice s logom grada Travnika, čime je dala poseban doprinos promociji grada kroz edukativne materijale za najmlađe.

Zvijezde dana, naše učenice Ena Ćosović, Dalila Mehić i Lamija Salkica, uz mentorstvo profesorice Hasibe Horić su predstavile turistički video, kroz koji je na kreativan i zanimljiv način predstavljen Travnik kao turistička destinacija.



Program je završen kvizom znanja u kojem su se učenici takmičili u poznavanju grada Travnika i turizma, a najuspješnijim učenicima je nagrade uručio direktor Turističke zajednice Travnik, Samir Dolavac. Kviz su pripremili učenici II-3 razreda sa mentoricom prof. Suadom Adilović.



Ovaj događaj je još jednom pokazao koliko je važna saradnja škole i lokalne zajednice, te kako učenici mogu aktivno učestvovati u promociji kulturne baštine svoga grada. Posebno je važno istaći da će naši učenici Travnik predstavljati kroz turistički video na manifestacijama na Sajmu turizma Tourism Expo Sarajevo 2025 i Međunarodnom sajmu privrede Tešanj 2025, čime će nastaviti promovisati bogatu turističku ponudu našega grada.



# EVROPSKI DAN JEZIKA

U našoj školi obilježen je Evropski dan jezika, koji se svake godine slavi 26. septembra s ciljem promoviranja jezične i kulturne raznolikosti Evrope, kao i važnosti učenja stranih jezika i međukulturno razumjevanje.

Strani jezici nisu samo školski predmet – oni su dio svakodnevnog života, jer nam omogućavaju komunikaciju, pristup informacijama i povezivanje s ljudima širom svijeta. Učenje stranih jezika danas je ključno za mlade generacije, jer im otvara vrata novih znanja, obrazovanja i zaposlenja.

Povodom ovoga važnog događaja, profesori Aktiva stranih jezika naše škole su pripremili prigodan pano koji prikazuje bogatstvo i raznolikost jezika koji se uče u našoj školi. Na panou su predstavljeni jezici kroz zanimljive činjenice, a učenici su imali priliku na kreativan način vidjeti koliko je važno poznavati više jezika u savremenom svijetu. Pano je uređen tako da podsjeća na značaj stranih jezika u međusobnom povezivanju ljudi, razumijevanju kultura i sticanju novih znanja. Na ovaj način učenici su još jednom potvrdili da učenje jezika otvara vrata novim znanjima, prijateljstvima i mogućnostima, te da je poznavanje stranih jezika neprocjenjiva vrijednost u savremenom društvu.



**26.9. EVROPSKI DAN JEZIKA**


**ENGLISH**

**TÜRKÇE**


**DEUTSCH**

This educational board displays various resources for learning English, Turkish, and German. It includes:

- English:** Greetings, personality idioms, tongue twisters, and a map of the world.
- Türkçe (Turkish):** Greetings, personality idioms, tongue twisters, a map of Turkey, and a section titled "KOLAY GELİN".
- Deutsch (German):** Greetings, personality idioms, tongue twisters, and a section titled "Sprichst du Deutsch?".



# Evropska noć istraživača



Evropska noć istraživača je jedinstvena manifestacija koja svake godine okuplja učenike, nastavnike i istraživače širom Evrope. Cilj ove inicijative je približiti nauku i istraživački rad mladima, kroz interaktivne radionice, demonstracije i eksperimente. Ovaj događaj pruža priliku da se nauka doživi izvan učionica i laboratorija, na zabavan i kreativan način, ali i da se mlade generacije motivišu da razvijaju znanstveno-kritičko razmišljanje i praktične vještine.

Tokom Evropske noći istraživača, učesnici imaju priliku da sami učestvuju u eksperimentima, postavljaju pitanja stručnjacima i istražuju različite oblasti nauke, od hemije i biologije do fizike i novih tehnologija. Manifestacija nije samo edukativna, već i društvena – povezuje učenike, nastavnike i mentore u zajedničkom radu i otkrivanju.

Kroz svoje učešće, učenici naše škole pokazali su talenat i kreativnost, a uz podršku profesorice Nermine Plećić i direktorice škole, demonstrirali su predanost i kvalitet koji čine našu školu posebnom. Ovaj nastup bio je prilika da pokažemo koliko naš tim ulaže u kvalitet obrazovanja i koliko naši učenici mogu postići kada imaju pravu podršku.

Evropska noć istraživača u Travniku pokazala je da znanstveno-kritičko razmišljanje, učenje i kreativnost idu ruku pod ruku. Naši učenici su još jednom dokazali da se trud i predanost isplate, a njihova energija i znanje svima pokazuju da nauka može biti zabavna, inspirativna i dostupna svakome.



# Tourism Expo Sarajevo 2025

U okviru saradnje sa Turističkom zajednicom Općine Travnik, učenici i profesori naše škole učestvovali su u posjeti Sajmu turizma Tourism Expo Sarajevo 2025. Ova manifestacija, koja svake godine okuplja brojne izlagače iz zemlje i regionala, bila je idealna prilika da se naši učenici upoznaju s bogatstvom turističke ponude i savremenim trendovima u ovoj oblasti. Posebno treba istaći učenice Lamiju Salkić, Šalilu Mesić i Enu Čosović, koje su pod mentorstvom pofesorice Hasibe Horić ostvarile izuzetan uspjeh predstavljajući turistički video o gradu Travniku, kojim su na kreativan način prikazale ljepote i potencijal našeg grada kao atraktivne turističke destinacije.

Na Sajmu su učenici vidjeti kako se predstavljaju različite destinacije – od prirodnih ljepota i kulturno-historijskih znamenitosti, do inovativnih turističkih sadržaja. Naši učenici su tako imali priliku uočiti da turizam nije samo putovanje, već i složen proces koji zahtijeva znanje, kreativnost i stalnu promociju.

Posebno je značajno što je posjeta Sajmu pokazala važnu ulogu turizma u povezivanju ljudi i kultura. Kroz susrete s izlagačima, učenici su doživjeli raznolikost običaja i tradicija, ali i shvatili koliko turizam doprinosi razvoju lokalne zajednice i šireg društva.

Ovakva iskustva učenicima pružaju dodatnu motivaciju da se obrazuju i razvijaju u oblasti turizma, ugostiteljstva i menadžmenta, jer su mogli iz prve ruke vidjeti na koji način se stvara i promoviše turistička ponuda.

Posjeta Sajmu turizma Tourism Expo Sarajevo 2025 za naše učenike bila je više od edukativnog izleta – to je bio susret sa stvarnim primjerima turističke prakse, prilika za učenje i inspiracija za buduće profesionalne izazove.





# "ULOGA CENTARA ZA SOCIJALNI RAD U PRACENJU I PROVOĐENJU PSIHOSOCIJALNOG TRETMANA U CENTRIMA ZA MENTALNO ZDRAVLJE"

Ispred Aktiva direktora srednjih škola, direktorica škole je prisustvovala edukaciji pod nazivom: "Uloga centara za socijalni rad u praćenju i provođenju psihosocijalnog tretmana u Centrima za mentalno zdravlje".



Edukacija je, u organizaciji  
Koordinacijskog tijela za  
sprečavanje nasilja u  
obitelji, zaštitu od nasilja u  
obitelji i borbu protiv  
nasilja u obitelji za  
područje KSB/SBK,  
Ministrastva zdravlja i  
socijalne politike i OSCE-a,  
održana  
30.09.2025.godine.





**TRAVNIK**  
*Heart* OF BOSNIA AND HERZEGOVINA